

Halleix merlo-milo bei cirdae a, Arbosobo yar arddolcar ci a lei ddoddomo bei dae mel nei yar arsaе ar ddei a ca mel leil saexl lol ho a. Eilmel leil meixddur gga mia nr ddo bbeixarnar, nael yar bei teixl lei hazza-hamaer leil i a dder Arbosobo zza saexl ddo. Arseir lei cirza-hanga mel Arbosobo bei teixl lei nr nga, Arbosobo nr zza eine bbeix nr cexr.

Niul ca mel Arbosobo leil saexl bbeixarnar, nael yar leil Arbosobo a i mal nr gger, yar leil middux lol nia-nr-zzir, yar leil na-nr-wo. Niul nrbba-nrbba xiar, niul xiar dae mel yarzi medeil, nixmox taex lei yarzi neix loxr a. Niul zzirdae a niul mel yarzi jilixr, nga zzael yarzi medeil. Niul si var ca nei ngaxssor-ngaxne, zzeir nei yirvu-nilhax mel dax zox dae a, armael leil bbex bei gger a zi, arddolcar ci a lei gol dae Arbosobo ddei leil zzael nr zi, yar leil mi-nr-ddux lol.

Nael niul ca mel noni dil nr ddo, huixr-nr-soxr a mel Arbosobo niul leil ho bei ho sirzzi. Yar niul leil bbaehhexhhexmo ser jjixr lei hal cir ni ci a, niul leil yarzisaе larhor faxr nia, arseir leil lei mia lol. Nixixl ddei maelele ci a, Arbosobo Yisu Zidu leil niul ca mel nixmox zzar kerzi dae hal mel leil ser lei lol nia.

Arbosobo mel bbaehhex, yel yar arsaе bei lei zuixl mel leil faxr nia. Arbosobo ddei sul ber leil bbeix, sirnilni nr ddux a mel, zuixl mel leil ssoxrsuxl nr cexr. Arbosobo ddei ssor Yisu zuixl nr zza a mel, yar dder niul ca maelmaerjjia leil zuixl nr zza lol ziddu ddei bei cexr. Yar niul ddei zuixl mel leil weix a faxr lol yuex, halae

Arbosobo ca mel leil perniar a, yar yar leil niul ddei dirtu bei lol yuex. Yar leil sixrzixljiaxl ddei leil diexr zil gger car, yar mel niul ddei dirtu a.

Arbosobo ddei sul ber leil bbeix, niul mel acixl ya sael a jjiumo ssi pixl a, cirddei-hanga lei armael arsae bei niazzir arsae bei; nael Arbosobo niul ddei zuixl mel leil weix a Yisu leil faxr ho a. Ni Yisu sixrzixljiaxl ddei leil si a mel ni ddei zuixl mel leil weix a si ddarzzi a mel, ni leil dder jiuxl wo a; niul mel maelmaerjjia lei zuixl bei a; niul ddei zuixl mel leil mel arsae bei lei faxr nia, yel ni armael leil jiuxl bbesur nr zza. Seirceix-seirmaer ca ar ddei nr zza; ca cirddei-hanga lei Arbosobo yar leil ssoxrsuxl lol nia. Nael Arbosobo yar ddei ssorzil leil ca mel leil jiuxl lol eil ddei mel ca mel leil baexrbaexr nei meixl gger dae arddeir a; ca mel ddoddo-nrddo li nia nr nga. Ni, ni ddei zuixl mel li wo mibbe ddei ni leil ddeix lol niazzir arddeirnga a mel, ni dder dixlyuxl gga ssi mibbe. Ni Yisu leil ni ddei zuixl mel leil daexljiaxl fuxl gger lol niazzir arddeirnga a, ni Arbosobo leil 'ni mel ni zuixl zza ca ar ddei a cexrssexl, ni yar ni leil weix a bei dae hazza leil ddarzzi, Yisu ni ddei zuixl mel leil weix a sixrzixljiaxl ddei leil diexr zil a ddarzzi' eine bbeix gger cexr. Ni arsae bei lei eil ddei leil ddarzzi nia, eine nga a, ni leil dder ssoxrsuxl cexr. Yisu mel ni ddei zuixl mel leil weix a yar leil faxr lol ho a; ni leil zeixleixr lei faxr nr ssa a. Arbosobo mel Yisu leil gol du xixl lei lol ho a; si ddei leil mel bei leixl gger ho a; yel ni si ho a ni leil gol du xixl lei lol a merlabbor

Arbosobo dax cirgo a hher dae lol nia. Eil ddei mel Arbosobo niul leil meixl gger dae niul leil jiuxl cexr seirseir ddei nga a.

Arbosobo ddei sul ber gga vaexr dae a bbeix:

Ni meir ddei gga “Yisu mel Seirpor a” cexrssexl halae nixmox zzar Yisu si a Arbosobo yoxl yar leil gol du xixl lei lol eine ddarzzi a mel, ni leil dder jiuxl wo ddo. Niul nixmox zzar Zidu leil ddarzzi dae a mel dder Arbosobo niul leil zuixl nr zza i mal gger. Niul meir ddei gga “Yisu mel Seirpor a” cexrssexl a mel dder niul leil jiuxl wo a. (Loxrmar Sul 10:9-10)

Arbosobo ddei sul ber yoxl bbeix:

Ha Seirpor ddei leil qiuxr su ca mel, yaa leil jiuxl wo nia. (Loxrmar Sul 10:13)

Ni Yisu leil ddarzzi niazzir a eine biar nia:

“Arbosobo, ngo mel nr seir cirke bei goxr a; ngo ni dax huixrsoxr lei. Ni Yisu leil ngo leil gger a ngo ni leil nawo a. Seirpor Yisu, ni ngo leil weix a sixrzixljiaxl ddei leil diexr zil a ngo ni leil nawo a, ni ddei sirnilni mel ngo ddei zuixl mel leil ssoxrsuxl a ngo ni leil nawo a. Seirpor Yisu, ngo ni leil ddarzzi, ngo ni leil qie, ni ngo nixmox zzar ddir lei. Ngo, ngo ddei olga ddei ni leil jia gger yuex, cirse-cirsil ni dax mae yuex. Ngo ni leil nawo a: ni ngo leil ni leil saexl lol la, Yisu ddei mi ddei leil koxl dae a bbeix, amae.”